



Anna Wangenheim  
Inatsisartunut ilaasortaq, Demokraatit

## Peqqinnissaqarfimmi atuisut siunnersuisoqatigiivinit tunngatillugu §37/154-imut akissut

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinguuttumi issuarneqartunut akissuteqartinneqartunullu qujapput.

08-08-2022  
Suliap normua 2022 - 15351  
All. nr. 20760546

Postboks 1160  
Oqa.: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

1. Pisortanut aningaasatigut allaffissornikkullu kingunissai suussappat, aalajangerneqaralarpat peqqissaavinni tamani nunallu immikkoortuini tamani atuisut siunnersuisoqatigiivini pilersitsisoqartuuppat sullissit innuttaasullu akornanni attaveqatigiinnerup annertusarnissaaammalu innuttaasut peqqinnissaqarfiullu akornanni tatiginninnerup ataqqeqatigiinnerullu annertusarnissaa siunertaralugu?

### Akissut:

Peqqissaavinni tamani nunap immikkoortuinilu peqqinnissaqarfimmik atuisut siunnersuisoqatigiivini pilersitsinikkut aningaasatigut allaffissornikkullu sunniutissat pillugit paasissutissavinnik massakkuugallartoq Naalakkersuisut pigisaqanngillat .

Taamaakkaluortoq Naalakkersuisut ilisimatitsissutigisinnaavaat Peqqinnissaqarfik 12-inik peqqissaaveqarmat nunap immikkoortuinilu tallimanik napparsimaveqarluni. Atuisartut siunnersuisoqatigiivini piffinni taaneqartuni tamani pilersitsisoqassappat atuisartut siunnersuisoqatigiivi 17-it pilersittariaqassapput. Atuisartut siunnersuisoqatigiivini pilersitsineq aningaasatigut allaffissornikkullu soorunalumi sunniuteqartussaassaaq. Aningaasartuutissat naatsorsorneqarsinnaassappata atuisartut siunnersuisoqatigiivisa qanoq aaqqissugaanissaat ilisimasaqarfigineqaqqaartariaqarput, tassunga ilanngullugit:

- Atuisut siunnersuisoqatigiit katitigaaneri tassunga ilanngullugit soorlu ilaasortaqqortussusissaat, sinniisuutitaqartussat ataatsimiittarnissallu akuttussusissaat.
- Atuisartut siunnersuisoqatigiivi pisortat eqqarsaatigalugit oqilisaasussatut sullissisussatulluunniit inissisimaneera.

Naalakkersuisut naatsorsuutigaat atuisartut siunnersuisoqatigiivini pilersitsisoqarneratigut pisortat aningaasartuutissaat allatseqartitsinermut, ataatsimiititsisarnernut, oqalutseqartitsisarnernut, pisortat sulianillu ilisimasallit peqataaneranni tiiminut atugaanut attuumassuteqarnerussasut. Tamatumalu saniatigut aningaasartuutissat allat soorlu angalanermi ajunngitsorsiassanut, nerisaqarnermut najugaqarnernullu kiisalu atuisut siunnersuisoqatigiivini ilaasortat aningaasarsiaqartinneqarnissaat isummerfigisariaqassallutik. Ataatsimiinnerni Peqqinnissaqarfinneersut peqataasarnerinut atatillugu peqataasut taartissaanut aningaasartuuteqartarnissattaq naatsorsuutigineqarpoq.

2. **Namminersorlutik ingerlataqartunut aningaasatigut allaffissornikkullu kingunissai suussappat, aalajangerneqaraluarpat peqqissaavinni tamani nunallu immikkoortuini tamani atuisutsiunnersuisoqatigiivini pilersitsisoqartuuppat sullissisut innuttaasullu akornanniattaveqatigiinnerup annertusarnissaa aammalu innuttaasut peqqinnissaqarfiullu akornannitatininnerup ataqqeqatigiinnerullu annertusarnissaa siunertaralugu?**

**Akissut:**

Apeqqummut 1-imut akissut innersuussutigineqarpoq.

3. **Innuttaasunut aningaasatigut allaffissornikkullu kingunissai suussappat, aalajangerneqaraluarpat peqqissaavinni tamani nunallu immikkoortuini tamani atuisut siunnersuisoqatigiivini pilersitsisoqartuuppat sullissisut innuttaasullu akornanni attaveqatigiinnerup annertusarnissaa aammalu innuttaasut peqqinnissaqarfiullu akornanni tatigininnerup ataqqeqatigiinnerullu annertusarnissaa siunertaralugu?**

**Akissut:**

Apeqqummut 1-imut akissut innersuussutigineqarpoq.

#### 4. Naalackersuisut suliamut soqutiginaatilinnik allanik saqqummiussassaqarpat?

**Akissut:**

Naalackersuisut ilisimatitsissutigissavaat Peqqinnissaqarfiup napparsimasunik siunnersuisarnerit aqcutigalugit napparsimasullu maalaaruteqarsinnaalersinnerisigut napparsimasunik ilaqutaasunillu oqaloqatiginnittarnerit aqqissuussimammatigit. Suliaritinnerup ingerlanera pillugu napparsimasut nalornitillutik nalornissutimik akineqarnissaat, paatsuunngassutaajunnartut paaseqatigiissutiginnissaat peqqinnissaqarfimmilu immikkoortumik sulisumilluunniit ikiorneqarnissaq anguniarlugu napparsimasunut siunnersortimut saaffiginnissinnaalernikuupput. Peqqinnissaqarfimmit peqqinnissamut tunngassutigut sullinneqarnermut atatillugu kukkusoqarsimatillugu aammalu Peqqinnissaqarfimmit sullinneqarneq naammaginangitsumik ingerlasimatillugu napparsimasut maalaaruteqarsinnaapput.

Innuttaasut nalornitillutik, maalaaruteqarniartillutik, suliaritinnissap ingerlanissaa pillugu apeqqutissaqartillutik il.il. Peqqinnissaqarfimmut attaveqartarnerat assigiinneqimmat Naalackersuisut Peqqinnissaqarfik suleqatigalugu video-nik paasissutissiisussanik suliaqaleruttorput. Innuttaasunut attaveqartarneq pitsanngorsarniarlugu videot tamakku KNR-ikkut takutinneqarlutillu inuit attaveqatigiittarfiatigit saqqummiunneqassapput.

Inussiarnersumik inuulluaqqusillunga

  
Mimi Karlsen